



ს ა ქ ა რ თ ვ ე ლ ო
ლენტეხის მუნიციპალიტეტის საკრებულო
G E O R G I A
CITY COUNCIL OF LENTEKHI MUNICIPALITY



ოქმი: 97. 9725055001

თარიღი: 24/02/2025

ლენტეხის მუნიციპალიტეტის საკრებულოს

მორიგი სხდომა N-02

დ. ლენტეხი 20 /თებერვალი/2025წ.

მიმდინარე წლის 20 თებერვალს დღის 12 საათზე ჩატარდა ლენტეხის მუნიციპალიტეტის საკრებულოს მორიგი სხდომა. სხდომას უძღვებოდა საკრებულოს თავმჯდომარე გიორგი გაზდელიანი. სხდომას ესწრებოდა საკრებულოს 15 (თხუთმეტი) წევრი. საპატიო მიზეზით არ ესწრებოდა საკრებულოს 6(ექვსი) წევრი.

სხდომას ესწრებოდა მერიის საზოგადოებრივი ჯანმრთელობის და სოციალური დაცვის სამსახურის უფროსი ხათუნა ლიპარტელიანი, არქიტექტურის და ინფრასტრუქტურის სამსახურის უფროსის მოადგილე დემური ლიპარტელიანი და საკრებულოს აპარატის უფროსი მაყვალა ჩანქსელიანი.

სხდომის თავმჯდომარემ საკრებულოს წევრებს გააცნო მორიგი სხდომის დღის წესრიგის პროექტი:

1. ლენტეხის მუნიციპალიტეტის ტერიტორიაზე გარე ვაჭრობის და ბაზრობების რეგულირების წესის დამტკიცების შესახებ.

/მომხს: საკრებულოს თავმჯდომარის მოადგილე მეგლუდ ლიპარტელიანი/

2. ლენტეხის მუნიციპალიტეტის ტერიტორიაზე სახელმწიფო და ლენტეხის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ.

/მომხს: საკრებულოს ქონების მართვის და ბუნებრივი რესურსების კომისიის თავმჯდომარე დალი ტვილდიანი/

3. „ლენტეხის მუნიციპალიტეტის 2025 წლის ადგილობრივი ბიუჯეტიდან სოციალური დახმარების გაცემის წესის დამტკიცების შესახებ“ ლენტეხის მუნიციპალიტეტის საკრებულოს 2025 წლის 23 იანვრის N-02 დადგენილებაში ცვლილების შეტანის თაობაზე.

/მომხს: მერიის საზოგადოებრივი ჯანმრთელობის და სოციალური დაცვის სამსახურის უფროსი ხათუნა ლიპარტელიანი/

4. 2025 წელს ლენტეხის მუნიციპალიტეტში სოფლის მხარდამჭერი პროგრამის ფარგლებში დასაფინანსებელი პროექტების ნუსხის დამტკიცების შესახებ.

/მომხს: მერის მოადგილე ზვიად ლობჯანიძე/

შენიშვნა დღის წესრიგთან დაკავშირებით არ ყოფილა.

სხდომის თავმჯდომარემ დადგენილების პროექტი დააყენა ღია კენჭისყრაზე.

მომხრე -15

წინააღმდეგი -0

დაადგინეს: დამტკიცდეს საკრებულოს მორიგი სხდომის დღის წესრიგი წარმოდგენილი სახით.

1. მოისმინეს: დადგენილების პროექტი - „ლენტეხის მუნიციპალიტეტის ტერიტორიაზე გარე ვაჭრობის და ბაზრობების რეგულირების წესის დამტკიცების შესახებ“ წარმოდგენილი საკრებულოს თავმჯდომარის მოადგილემ მევლუდ ლიპარტელიანმა.

აზრი გამოთქვა: ფრაქცია „ქართული ოცნება-დემოკრატიული საქართველოს“ თავმჯდომარემ ირაკლი ქურასბედიანმა - დაბაში ამ კუთხით ნამდვილად არის ქალსი და აუცილებლად კანონის ფარგლებში უნდა მოექცეს ბაზრობის და გადასახადების ამოღების პროცესი. მით უმეტეს, რომ დაბაში უკვე არის ახალი ამენებული ბაზრის ობიექტი.

აზრი გამოთქვა: სხდომის თავმჯდომარემ გიორგი გაზდელიანმა: საკითხი კარგად არის მომზადებული, ნამდვილად დროულია ამ დადგენილების მიღება. მან მაღლობა გადაუხადა მომსახურებელს პროექტის მომზადებისთვის. ჩვენ გვიწერია კონტროლის განმახორციელებლად მერიის ზედამხედველობის სამსახური. თუ მერიისთვის არ იქნება მისაღები კონტროლის ეს ფორმა, ჩვენ მზად ვართ გავითვალისწინოთ მათი მოსაზრება ამ საკითხთან დაკავშირებით.

შენიშვნა საკითხთან დაკავშირებით არ ყოფილა.

სხდომის თავმჯდომარემ დადგენილების პროექტი დააყენა ღია კენჭისყრაზე.

ღია კენჭისყრის შედეგით:

მომხრე - 15

წინააღმდეგი -0

დაადგინეს: დამტკიცდეს დადგენილების პროექტი - ლენტეხის მუნიციპალიტეტის ტერიტორიაზე გარე ვაჭრობის და ბაზრობების რეგულირების წესის დამტკიცების შესახებ.

2. მოისმინეს: საკრებულოს ქონების მართვის და ბუნებრივი რესურსების კომისიის თავმჯდომარემ დალი ტვილდიანმა სხდომის წევრებს გააცნო დადგენილების პროექტი - ლენტეხის მუნიციპალიტეტის ტერიტორიაზე სახელმწიფო და ლენტეხის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ. მომსახურებელმა აღნიშნა, რომ ძალიან დაბალია დაბისთვის დადგენილი ფასი. ბოლო ათი წლის მანძილზე არ შეცვლილა ეს ფასი და კომისიამ მიიღო გადაწყვეტილება ფასის გაზრდაზე. შეიცვალა K კოეფიციენტის მნიშვნელობა და გავზარდეთ 80-მდე. შესაბამისად მიწის ნორმატიული ფასი გახდა 5,38.

აზრი გამოთქვა: სხდომის თავმჯდომარემ გიორგი გაზდელიანმა - მისაღებია ქონების მართვის და ბუნებრივი რესურსების კომისიის გადაწყვეტილება მიწის ნორმატიული ფასის გაზრდაზე.

ანალოგიური აზრი დააფიქსირა საკრებულოს თავმჯდომარის მოადგილემ მევლუდ ლიპარტელიანმა.

სხდომის თავმჯდომარემ დადგენილების პროექტი დააყენა ღია კენჭისყრაზე.

აღია კენჭისყრის შედეგით:

მომხრე - 15

წინააღმდეგი -0

დაადგინეს: დამტკიცდეს დადგენილების პროექტი - ლენტეხის მუნიციპალიტეტის ტერიტორიაზე სახელმწიფო და ლენტეხის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ.

3. მოისმინეს: მერიის საზოგადოებრივი ჯანმრთელობის და სოციალური დაცვის სამსახურის უფროსმა ხათუნა ლიპარტელიანმა სხდომის წევრებს გააცნო დადგენილების პროექტი - „ლენტეხის მუნიციპალიტეტის 2025 წლის ადგილობრივი ბიუჯეტიდან სოციალური დახმარების გაცემის წესის დამტკიცების შესახებ“ ლენტეხის მუნიციპალიტეტის საკრებულოს 2025 წლის 23 იანვრის N-02 დადგენილებაში ცვლილების შეტანის თაობაზე.

მომსახურებელმა განმარტა, რომ სოციალური დახმარების გაცემის წესი შესაბამისობაში უნდა მოვიდეს ლენტეხის მუნიციპალიტეტის 2025 წლის ბიუჯეტთან. შესაბამისად დადგენილებაში უნდა შევიდეს ცვლილება შემდეგის მიხედვით:

მუხლი 1. შევიდეს ცვლილება „ლენტეხის მუნიციპალიტეტის 2025 წლის ადგილობრივი ბიუჯეტიდან სოციალური დახმარების გაცემის წესის დამტკიცების შესახებ“ ლენტეხის მუნიციპალიტეტის საკრებულოს 2025 წლის 23-იანვრის N-02 დადგენილებით დამტკიცებულ დახმარებებში N-1-ში შემდეგი სახით:

1.დანართის მე-5-ე მუხლი ჩამოყალიბდეს შემდეგი რედაქციით:

„მუხლი 5. დაბადებიდან შ.შ.მ. პირებზე და 0-18 წლამდე ასაკის რეაბილიტაცია/აბილიტაციის საჭიროების მქონე ბავშვთა ფინანსური დახმარება;

1. დახმარება მიეცემათ ბავშვობიდან შ.შ.პ.-ს , რომლებიც ვერ ახერხებენ დამოუკიდებლად გადაადგილებას და დაავადებული არიან:

ა) ცერებრალური დაბლა;

ბ) დაუნის სინდრომი;

გ) ლეიკემია;

დ) ყრუ-მუნჯი.

ე) შაქრიანი დიაბეტი I ტიპი;

დახმარება გაიცემა 18-წლამდე ყოველთვიურად 100 (ასი)ლარის ოდენობით. 80(ოთხმოცი)ლარის ოდენობით, იმ ბენეფიციარზე რომელიც ვერ გადაადგილდება და სარგებლობს ეტლით, ხოლო დანარჩენ ბენეფიციარებზე დახმარება გაიცემა 60 (სამოცი) ლარის ოდენობით;

თანხა გაიწეს 2024წ - დან არსებული ბაზის საფუძველზე და ახალი ბენეფიციარის გამოვლენის შემთხვევაში დახმარების მიმღებმა პირმა მუნიციპალიტეტში უნდა წარადგინოს:

ა) წერილობითი განაცხადი მუნიციპალიტეტის მერის სახელზე;

ბ) ბენეფიციარის პირადობის ასლი ან დაბადების მოწმობის ასლი;

გ) შეზღუდული შესაძლებლობის დამადასტურებელი მოწმობის ასლი (ამონაწერი სოციალური სუბსიდიების სააგენტოდან);

დ) ბანკში გახსნილი პირადი ანგარიშის მონაცემები;

ე) მაღალმთიან დასახლებაში მუდმივად მცხოვრები პირის სტატუსი;”

2. დანართს დაემატოს მე-5¹ მუხლი და ჩამოყალიბდეს შემდეგი რედაქციით:

„მუხლი 5¹. ბავშვის უფლებების დაცვისა და მხარდაჭერის პროგრამა.

1.დახმარება გაეწევა ლენტეხის მუნიციპალიტეტში მცხოვრებ 0-18 წლამდე ასაკის ბავშვებს, რომლებიც საჭიროებენ რეაბილიტაცია/აბილიტაციას შემდეგი დაავადებების დროს: აუტიზმის სპექტრი, დაუნის სინდრომი, ცერებრალური დამბლის, განვითარების ეტაპების შეფერხება და ფიზიკური და ფსიქიკური ჯანმრთელობის პრობლემის მქონე პირები, აღნიშნულ კატეგორიას დაუფინანსდება სარეაბილიტაციო პროცედურები, მოთხოვნილი გადასახდელი თანხის წლის განმავლობაში 50 % არაუმეტეს 2000 (ორი ათასი)ლარისა.

დახმარების მიმღებმა პირის მშობელმა/ კანონიერმა მეურვემ მუნიციპალიტეტში უნდა წარმოადგინოს:

ა) წერილობითი განაცხადი მუნიციპალიტეტის მერის სახელზე;

ბ) განმცხადებლის პირადობის მოწმობის ასლი;

გ) ბენეფიციარის პირადობის ან დაბადების მოწმობის ასლი;

დ) შშმ პირის მოწმობის ასლი

ე) ცნობა ჯანმრთელობის მდგომარეობის შესახებ (ფორმა # IV-100/ა სადაც მითითებული უნდა იყოს ბენეფიციარის ძირითადი დიაგნოზი)

ვ) ხარჯთა-აღრიცხვის დოკუმენტი (ანგარიშ- ფაქტურა/ ინვოისი და კალკულაცია)

ზ) საყოველთაო ჯანდაცვის მართვის დეპარტამენტის ან სხვა სადაზღვევო კომპანიის მერ გაცემული მიმართვა საგარანტიო წერილი (არსებობის შემთხვევაში)

თ) ბანკში გახსნილი პირადი ანგარიშის მონაცემები

ი) მაღალმთიან დასახლებაში მუდმივად მცხოვრები პირის სტატუსი.”

3.დანართის მე-7 მუხლი ჩამოყალიბდეს შემდეგი რედაქციით:

„მუხლი 7. ხანდაზმულთა ერთჯერადი ფინანსური დახმარება

მუნიციპალიტეტის ბიუჯეტიდან ერთჯერადი ფინანსური დახმარება მიეცემა ლენტეხის მუნიციპალიტეტში რეგისტრირებულ ყველა ხანდაზმულს მოქალაქეს, რომელთა ასაკი განისაზღვრება 90წელს ზემოთ.

დახმარების თანხა განისაზღვრება 90-94წლამდე 150 (ას ორმოცდაათი)ლარის ოდენობით, 95-99 წლამდე 250 (ორასორმოცდაათი)ლარი და 100 წელს ზემოთ 1000 (ერთი ათასი)ლარის ოდენობით.

მუნიციპალიტეტში წარსადგენი დოკუმენტაცია:

- ა) ხანდაზმულის ან მისი ოჯახის წევრის განცხადება მუნიციპალიტეტის მერის სახელზე;
- ბ) ხანდაზმულის პირადობის მოწმობის ასლი;
- გ) განმცხადებლის პირადობის მოწმობის ასლი;
- დ) განმცხადებლის საბანკო ანგარიში;
- ე) მაღალმთიან დასახლებაში მუდმივად მცხოვრები პირის სტატუსის დამადასტურებელი დოკუმენტი;”

4. დანართის მე-10-ე მუხლი ჩამოყალიბდეს შემდეგი რედაქციით:

„მუხლი 10. ომის ვეტერანთა დახმარება.

1. ადგილობრივი ბიუჯეტიდან დახმარება მიეცემა საქართველოს თავისუფლებისა და ტერიტორიული მთლიანობისთვის დაღუპული ეროვნული გმირის ოჯახს, თანხა განისაზღვროს 3000 (სამიათასი)ლარის ოდენობით ერთჯერადად.

2. სამსახურებრივი მოვალეობის შესრულების დროს დაღუპული პოლიციელების ოჯახების დახმარება, თანხა განისაზღვროს 2000 (ორიათასი)ლარის ოდენობით, ერთჯერადად.

3. საქართველოს ტერიტორიული მთლიანობისთვის, თავისუფლების საბრძოლო მოქმედების მონაწილე ვეტერანთა დახმარება თანხა განისაზღვროს 400 ლარის ოდენობით, ერთჯერადად.

4. ჩერნობილის ატომური აფეთქების და 1989 წლის 9 აპრილის დროს დაზარალებულთა დახმარება, თანხა განისაზღვროს 400 (ოთხასი) ლარის ოდენობით ერთჯერადად.

მუნიციპალიტეტში წარსადგენი დოკუმენტაცია:

- ა) განცხადება მუნიციპალიტეტის მერის სახელზე;
- ბ) განმცხადებლის პირადობის მოწმობის ასლი;
- გ) ომის ვეტერანის ან დაზარალებულის მოწმობის (სტატუსის) ასლი;
- დ) განმცხადებლის საბანკო ანგარიში;
- ე) მაღალმთიან დასახლებაში მუდმივად მცხოვრები პირის სტატუსის დამადასტურებელი დოკუმენტი;”

მუხლი 2. დადგენილება ამოქმედდეს გამოქვეყნებისთანავე.

სხდომის წევრებმა მოიწონეს წარმოდგენილი ცვლილება.

სხდომის თავმჯდომარემ დადგენილების პროექტი დააყენა ღია კენჭისყრაზე.

ღია კენჭისყრის შედეგით:

მომხრე - 15

წინააღმდეგი - 0

დაადგინეს: დამტკიცდეს დადგენილების პროექტი - „ლენტეხის მუნიციპალიტეტის 2025 წლის ადგილობრივი ბიუჯეტიდან სოციალური დახმარების გაცემის წესის დამტკიცების შესახებ“ ლენტეხის მუნიციპალიტეტის საკრებულოს 2025 წლის 23 იანვრის N-02 დადგენილებაში ცვლილების შეტანის თაობაზე.

4. მოისმინეს: მერიის არქიტექტურის და ინფრასტრუქტურის სამსახურის უფროსის

მოადგილემ დემური ლიპარტელიანმა სხდომის წევრებს გააცნო საკითხი - „2025 წელს ლენტეხის მუნიციპალიტეტში სოფლის მხარდამჭერი პროგრამის ფარგლებში დასაფინანსებელი პროექტების ნუსხის დამტკიცების შესახებ“.

მომხსენებელმა აღნიშნა, რომ 2025 წელს საქართველოს სახელმწიფო ბიუჯეტით გათვალისწინებული, საქართველოს რეგიონებში განსახორციელებელი პროექტების ფონდიდან სოფლის მხარდამჭერი პროგრამის ფარგლებში დასაფინანსებელი პროექტების შერჩევის მიზნით, ლენტეხის მუნიციპალიტეტში შეიქმნა ორი სამუშაო ჯგუფი, რომლებმაც ჩაატარეს მენვედრები ყველა სოფელში. ორგანიზებული იქნა სოფლის კრებები, მოქალაქეებს ჩაუტარდათ კონსულტაცია, მიღებული იქნა საპროექტო წინადადებები. ყველა სოფელში შერჩეული იქნა თითო ინფრასტრუქტურული პროექტი. საბოლოო ნუსხა წარმოდგენილია საკრებულოს სხდომაზე მოსაწონებლად. ამის შემდეგ მოხდება სამუშაოებისათვის საჭირო საპროექტო დოკუმენტაციის დამზადება. აპრილიდან გაფორმდება ხელშეკრულებები და დაიწყება სამუშაოები.

შენიშვნა საკითხთან დაკავშირებით არ ყოფილა.

სხდომის თავმჯდომარემ განკარგულების პროექტი დააყენა ღია კენჭისყრაზე:

ღია კენჭისყრის შედეგით:

მომხრე -15

წინააღმდეგი -0

გადაწყვიტეს: დამტკიცდეს 2025 წელს ლენტეხის მუნიციპალიტეტში სოფლის მხარდამჭერი პროგრამის ფარგლებში დასაფინანსებელი პროექტების ნუსხა.

დღის წესრიგით გათვალისწინებული საკითხების ამოწურვის შემდეგ, სხდომის თავმჯდომარე 13 საათსა და 30 წუთზე საკრებულოს მორიგი სხდომა დასრულებულად გამოაცხადა.

გიორგი გაზდელიანი

ლენტეხის მუნიციპალიტეტის საკრებულო-საკრებულოს
თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

